



唐詩紀事卷第十七

賀知章

賀蘭進明

李邕

陰行先

李伯魚

趙冬曦

尹恣

崔成甫

李昂

殷遙

徐廷壽

范咸

丘為

賀知章

詠柳云碧玉粧成一樹高萬條垂下綠絲條不知細葉誰裁出二月春風似剪刀

曉發詩云故鄉杳無際江臯聞曙鐘始見沙上鳥猶埋雲外峯

知章年八十六卧病冥然無知疾損上表乞為道士還鄉明皇許之捨宅為觀賜名千秋命其男曾子會稽郡司馬賜鑑湖剡川一曲先乞官湖數頃為放生池因賜剡川一曲詔令供帳東門百寮祖餞御製送詩并序云天寶三年太子賓客賀知章鑒止足之分抗歸老之疏解組辭榮志期入道朕以其年在遲暮用循掛冠之事俾遂赤松之遊正月五日將歸會稽遂餞東路乃命六卿庶尹大夫供帳青門寵行邁也豈惟崇德尚齒抑亦勵俗勸人無令二疏獨先漢冊乃賦詩贈行詩云遺榮期入道辭老竟抽簪豈不惜賢達其如高尚心寰中得秘要方外散幽襟獨

有青門餞群英悵別深又云筵開百壺餞詔許二疎歸仙記題金籙朝章拔羽衣悄然承睿藻行路滿光輝李林甫詩云挂冠知止足豈獨漢疏賢入道求真侶辭恩訪列仙睿文含日月宸翰動雲煙鶴駕吳鄉遠遙遙南斗邊

知章採蓮詩云稽山雲霧鬱嵯峨鏡水無風也自波莫言春度芳菲盡別有中流採芰荷

朝士以知章吳越人戲云南金復生中土知章賦詩云鈔鏤銀盤盛蛤蜊鏡湖蕁菜亂如絲鄉曲近來佳此味遮渠不道是吳兒

神龍中知章與越州賀朝萬齊融揚州張若虛邢巨湖
州包融俱以吳越文詞俊秀名聞上京朝止山陰尉齊
融崑山令若虛兗州兵曹巨監察御史融遇張九齡引
為懷州司戶集賢直學士知章最貴神龍中又有尉氏
李澄之善五言詩終宋州參軍

知章送張說巡朔方應制云荒境盡懷忠梯航已自通
九攻雖不戰五月尚持戎遣戍徵周牒臨邊重漢功選
車命元宰授律取文雄胄出天弧上謀成帝握中詔旂
分夏物專討錫唐弓帳宿伊川右鉦吹晉苑東養人藉
賁實樂正理絲桐岐陌涵餘雨離川照晚虹恭聞詠方

叔千載舞皇風

又送張說集賢上學士應制云西學垂玄覽東堂發聖
謩天光燭武殿時宰集鴻都枯朽霑皇澤飄飛舞帝梧
跡同遊汗漫榮是技泥塗三歎承湯鼎千歡接舜壺微
軀不可答空欲詠依蒲

賀蘭進明

古意云秦庭初指鹿群盜滿山東忤意皆誅死所言誰
肯忠武關猶未啓兵入望夷宮為崇非涇水人君道自
窮又云崇蘭生澗底香氣滿幽林采采欲為贈何人是
同心目暮徒盈把徘徊憂思深慨然紛雜佩重奏丘中

琴

祿山亂進明守臨淮以御史大夫為節度使張巡睢陽之圍遣南霽雲乞師不應霽雲去抽矢回射佛寺浮圖曰吾殺賊必滅賀蘭此矢所以志也

行路難云君不見崑下井百尺不及泉君不見山上苗數寸臨雲煙人生相命亦如此何苦太息自憂煎但願親友長含笑相逢莫乏杖頭錢寒夜邀歡須秉燭豈得容思花柳年又云君不見門前柳榮耀暫時蕭條又君不見陌上花狂風吹去落誰家誰家思婦見之歎蓬首不粧心歷亂盛年夫婿長離別歲暮見之色凋換又云

君不見芳樹枝春花落盡蜂不窺君不見梁上泥秋風始高鷺不栖蕩子從軍事征戰蛾眉嬋娟守空閨獨宿自然堪下淚况復更聞烏夜啼又云君不見雲間月慙盈復還缺君不見林下風聲遠意難窮親故平生或聚散歡娛未盡罇中空歎息青青陵上柏歲寒能與幾人同又云君不見東流水水去無窮已君不見西郊雲日夕空氣氳群鴈徘徊不能去一鴈驚鳴復失群人生結交在終始莫以升沉中路分

右行路難高璠取於河岳英靈集

進明登開元十六年進士第肅宗時進明為北海太守詣行在上命房瑄以進明為南海太守兼御史大夫嶺

南節度使瑄以為攝御史大夫進明入謝遂譖之上由是踈瑄

李邕

李之芳自尚書郎出為齊州司馬製新亭邕有登歷下古城員外孫新亭詩云吾宗固神秀體物寫謀長形制開古跡曾冰延樂方太山雄地里巨壑眇雲莊高興泊煩促永懷清典常含弘如四大出入見三光負郭喜粳稻安時歌吉祥初之芳太宗子蔣王暉之後善五言詩子美八哀詩有秘書監江夏李邕詩云長嘯宇宙間高才日陵替古人不可見前輩復誰繼憶昔李公存詞林

有根抵唐文苑傳李邕廣陵江都人父善書注文選並

直邕詞高行聲華當健筆灑落富清製風流散金石追

琢山岳銳邕早擅才名尤長碑頌手中朝情窮造物理學

貫天人際干謁走其門碑板照四裔各滿深望還森然

起凡例蕭蕭白楊路洞徹寶珠惠龍宮塔廟湧浩劫浮

雲衛宗儒俎豆事故吏去思計眇眇已皆虛跋涉曾不

泥向來映當時豈獨勒後世豐屋珊瑚鈎騏驎織成罽

紫駟隨劔几義取無虛歲分宅脫驂間感激懷未濟衆

歸調給美擺落多藏穢邕素負美名類被貶斥皆以意

事忘勝剝獨步四十年風聽九臯嘆邕知名長安中死

可謂獨步矣累獻詞賦甚得玄宗旨後因上計中嗚呼
使臨索其新文以文章散天聽故有九臯喚之句嗚呼
江夏恣竟播宣尼袂往者武后朝引用多寵嬖否威太

常議憲有章巨源謚固折二張勢初憲為左拾遺俄而
臣張昌宗兄弟有重不順之望請付法斷則天初不應
始允宋璟既出或謂如子名位尚若不稱名不章衰

俗凜生風排蕩秋景齊忠正負冤恨宮闕深旋綴放逐
早聯翩低垂困炎厲初憲始以與張柬之姚崇所轄州

州後為陳州玄宗東封回憲詢見於汴獻詞賦稱旨頗
有矜術為張說所惡發陳州職事抵死許州人孔璋上

疏救之會赦免貶欽州刺史後於嶺南從中官揚思島討賊
有功轉括滄滑三州刺史上計京師邑少存名累被貶

進竟不得日斜鵬鳥入竟斷蒼梧帝榮枯走不暇星駕
無安稅幾分漢庭竹漢制以竹使符分給郡守夙携文

侯篲終悲洛陽獄事近小臣敞禍階初負謗易力何深
齊邕與柳勣馬一匹及勣下獄温伊昔臨淄亭酒酣託

未契南有陪李北海宴重叙東都別朝陰改軒砌論文
到崔蘇崔信明源二指盡流水逝近伏盈川唐

苑傳揚炯為盈川今卒張說曰楊盈川文思如懸未甘
河注酌之不竭既優於盧照隣亦不減王勃也

特進張說曰李嶠之文如良金美玉無是非張相國
相挽一危脆稱玄宗東封回邕於汴州謁見累獻詞賦甚

素輕張說與相惡爭名豈古然鍵捷歛不閉例及吾家

中書令甚惡之

詩曠懷掃氛翳慷慨嗣真作咨嗟玉山桂鍾律儼高懸

魏諒噴迢遞坡陀青州血燕沒汶陽瘞也葬哀贈竟蕭

條息波廷揭厲代宗時國恩子孫在如綫舊客舟凝滯

君臣尚論兵將帥接燕薊朗蒙六公篇邕有張桓等五

憂來豁蒙蔽盧藏用嘗謂邕如干將莫耶難與

邕字太和揚州人既冠見李嶠願一見秘書乃假直秘

閣累以罪譴開元末歷淄滑二州刺史上計京師阡陌

聚觀出為北郡太守李林甫忌之天寶末以柳勣事遣

御史就郡杖殺之先是邕王弼王琚皆者艾補外又書

疏尺題有譴謫留落之句林甫故陰議除之

陰行先

張燕公說至湘有九日登高詩云西楚茱萸節南淮戲

馬臺寧知洹水上復有菊花盃亭悵憑高出觀遊自遠

來短歌將急景同使興情催

行先和云重陽初啓節無射正飛仄寂寞風蟬至連翩

霜鴈來山棠紅葉下岸菊紫花開今日桓公坐多愧孟

嘉才

行先開元間為湘州從事

李伯魚

伯魚桐竹詩云北竹青桐北南家綠竹南竹林君早愛

桐樹我初貪鳳栖桐不媿鳳食竹何慙棲食更如此餘
非鳳所堪

張燕公說和云結廬桐竹下室邇人相深接垣分竹徑
隔戶共桐陰落花朝滿岸明月夜披林竹有龍鳴管桐
留鳳舞琴

伯魚臨淄人登開元六年進士第善為文擢校書郎出
為青州司功而卒其妻范陽張氏女燕公之妹也燕公
銘張氏墓云送我伯妹萬安之墳精靈何處為雨為雲
彼臨淄兮千里望倏忽兮夫君

趙冬曦

和張燕公說早霽南樓詩云方曙躋南樓凭軒肆遐獨
物華蕩暄氣春景媚晴旭川霽湘山孤林芳楚郊縹緲
巖重疊翠遠岸逶迤縹風帆摩天垠漁艇散灣曲鴻鴈
鶴舞遠猿叫鶯斷續群動皆熙熙噫予獨羈束常欽才
子義忌鵬傷蹉跎雅尚騷人文懷涉何迫促未知二賢
意去矣從所欲

和張說耗磨日飲云春來半月度俗忌一朝閑不酌他
鄉酒無堪對楚山

冬曦定州人開元初為監察御史坐事流岳州召還復
官

酹燕公歸田賦之作云窮鳥嬰籠綴孤飛任播遷鷦鷯
正佐用復此挫冲天楚雲何掩爵湘水亦迴遘懷哉愧
木鳥忽爾在蘭荃愈疾同枚叔銷憂比仲宣歸途書可
畏弱操石猶堅覆載雖云廣潞陽直愧然

澧湖作云三湖返入兩山間畜作澧湖彎復彎暑雨奔
流湘正滿微霜及潦水初還水遠波卷溪潭涸綠草芊
芊岸嶄峿適方飛棹共迴旋已復揚鞭恣行樂道傍者
老步蹉蹉楚言茲事不知年試就湖邊披草徑莫疑東
海變桑田君訝今時盡陵陸我看明歲更淪漣來今去
昔無終始人事迴環常若是應思闕下聲華日誰謂江

潭旅遊子初貞正善適當然往蹇來譽宜可俟盈虛用

捨輪輿旋勿學靈均遠問天序云巴江南澧湖者蓋沅

澧千里夏潦成湖秋冬為野爾雅云餘波淪匯洞庭澹

水返入為澧斯名之作有由焉爾和燕公岳州山城云為吏恩猶舊投沙惠此蒙江邊悠

爾處泗上宛然同訪道精言合論經大義通鳴琴有奇

氣况已沐清風

陪燕公行郡竹籬云良臣乃國寶麾守去承明外戶人

無閉渚江獸已行隨來晉盜逸民化蜀風清邾郭從彝

典州閭荷聽聲小人按天涯流落巴丘城所賴中和作

優游鑿與耕

酹燕公出湖見寄云綸紱有成命旌麾不可攀湘川朝
日斷刺闕夕波還果在東瞻唱興言夕放閑携琴仙洞
中置酒滢湖上芳景恣行樂謫居忽如忘聚散本相因
離情自悲悵鸞翮非常戢鵬天會昭曠永懷宛洛游曾
是彈冠望刺闕字未詳

和燕公遊滢湖上寺云江外多山水招要步馬來琴將
天籟合酒共鳥聲催巖坐攀紅藥溪行愛綠苔所懷非
此地游望亦徘徊

和燕公別滢湖云南湖美泉石君子翫幽竒灣澳陪臨
泛巖嵒共踐窺秋風頰挂竦春景綠楊垂郢路委分竹

湘濱擁去麾枉帆懷勝賞留景惜差池水木且不棄情
遊良可知

尹恣

陪燕公登南樓詩云君子每垂眷江山共流眄水遠林
外明崑近霧中見終日西北望何處是京縣屢登高春
臺徒使淚如霰燕公和云危樓寫明洞積水照城隅命
駕邀漁父通家引鳳雛山晴紅藥匝洲曉綠苗鋪舉目
思鄉縣春光定不殊

趙冬曦云抑鬱何以歡陰氣亦登望孤島輕霧裏行舟
白波上目勞西北雲心醉東南障昔日青溪子胡然此

惆悵

秋夜遊澗湖詩云熊軾巴陵地鷁舟湘水潯江山與勢
遠泉石自幽深杳靄入天壑冥茫見道心超然無俗事
清宴有深林又云江上饒竒山噴羅雲水間風和樹色
雜苔古石文斑巴浴將千澗澗湖凡幾灣嬉遊竟不盡
乘月泛舟還悉序云燕公以司馬初到趙侍御客馬車
一奇時之樂豈不盛歟燕公和云澗湖佳可遊既近復
能幽林裏棲清舍山間轉去舟鴈飛江月冷猿嘯野風
秋不是迷鄉路尋竒更沂流又云坐嘯人事閑佳遊野
情發山門送落照湖口望升月林尋猿狖居水戲鼉鼉

穴朔風吹飛鴈芳草亦云歇

趙冬曦云政理常多暇方舟此沂洄吹笙虛洞答舉楫
便風催山晴雲猶辨潭幽月稍來清溪無數曲未盡莫
先回又云煙靄夕微蒙幽灣賞未窮艤舟待初月褰幌
招遠風鶴聲聒前浦人火明暗叢東山雲壑意不謂爾
東同

張均云遠水沉西日寒沙聚夜鷗平湖乘月滿飛棹接
星流黃葉鳴淒吹蒼葭掃暗洲願移滄浦賞歸侍穎川
遊又云灣潭幽意深杳靄涌寒石痕秋水落風聚夕
陽沉澄澈天為底淵玄月作心清溪非大隱歸棄白雲

潯

汎洞庭云風光浙浙草中飄日采榮榮水上搖幸奉瀟
湘雲壑意山傍客興動仙撓燕公和云平湖一望水連
天秋景千尋下洞泉忽驚水上光華滿疑是乘舟到日
邊

悉開元時張燕公岳州從事官補闕

崔成甫

李白詩崔
侍御是也

贈李白云我是瀟湘放逐臣君受明主漢江濱天外常
求太白老金陵捉得酒仙人白和云嚴陵不從萬乘遊
歸卧空山釣碧流自是客星辭帝座元非太白醉揚州

李白澤畔吟序云澤畔吟者逐臣崔公所作云代業文
宗早茂才秀起家校書蓬山再尉閔輔中佐于憲軍因
貶湘陰流離沅湘摧頽草莽忠憤義烈形於清辭其怨
者之流乎

開元末長安令韋堅兼水陸轉運使鑿潭望春樓下先
時民間唱俚歌曰得體紇那邪其後得寶符於桃林時
成甫為陝縣尉變得體歌為得寶弘農野堅命舟人歌
之成甫又廣之為歌辭十闕白衣缺後綠衣錦半臂紅
抹額立第一舡為號頭以唱集兩縣婦女百人鮮服靚
粧鳴鼓吹笛以和之

先是人間戲唱歌詞云得

丁統體都董

統邠統囊得

體邠潭裏舡車鬧揚州銅器多三郎當殿坐看唱得體

歌至開元二十九年田同秀上言見玄元皇帝云有寶

符在陝州桃林縣古關令尹喜宅發中使求而得之以

為殊祥改桃林為靈寶縣以韋堅為陝郡太守鑿新潭

潭成又致揚州銅器翻出此詞廣集兩縣官使婦人唱

之言得寶弘農野弘農得寶邠潭裏舡車鬧揚州銅器

多三郎當殿坐看唱得寶歌成甫又作歌詞十首

李昂

雋秀等科初皆考功主之開元二十四年李昂負外姓

剛急不容物以舉人皆飾名求稱搖蕩主司談毀士類

實竊病之而將革焉集貢士與之約曰文之美惡悉知

之矣考校取捨存乎至公如有請託於時求聲求人者

當首落之既而昂外舅常與進士李權隣居相善乃舉

權於昂昂怒集貢人召權庭數之權謝曰人或相知竊

聞於左右非敢求也昂因曰觀衆君子之文信美矣然

古人云瑜不掩瑕忠也其有詞或不典將與衆評之若

何皆曰唯公之命既出權謂衆曰向之言其意屬吾也

吾誠不第決矣又何藉焉乃陰求昂瑕以待之異日會

論果斥權章句之疵以辱之權拱而前曰夫禮尚往來

唐詩集卷之七
三
來而不往非禮也鄙文不減既得聞命矣而執事昔有
雅什嘗聞於道路愚將切磋可乎昂怒而嬉笑曰有何
不可權曰耳臨清渭洗心向白雲閑豈執事之詞乎昂
曰然權曰昔唐堯衰老厭倦天下將禪于許由由惡聞
故洗耳今天子春秋鼎盛不揖讓於足下而洗耳何哉
是時國家寧謐百寮畏法令兢兢然莫敢蹉跌昂聞惶駭
感起不知所耐乃訴於執政謂權風狂不遜遂下權吏
初昂強悞不受囑請及有吏議求者莫不允從由是庭
議以省郎位輕不足以臨多士乃以禮部侍郎專之
昂賦戚夫人楚舞歌云定陶城中是妾家妾年二八顏

如花閨中歌舞未終曲天下死人如亂麻漢王此地因
征戰未出簾櫳人已薦風花齒落轅門雲雨徘徊入
行殿日夕悠悠非舊鄉飄飄處處逐君王閨門向裏通
歸夢銀燭迎來在戰場相從顧思不顧已何異浮萍寄
深水逐戰曾迷隻輪下隨君幾陷重圍裏此時平楚復
下齊咸陽宮闕到關西珠簾夕殿聞鐘鼓白日秋天憶
鼓鞞君王縱恣翻成誤呂后由來有深妬不柰君王容
顏衰相存相顧能幾時黃泉白骨不可報雀釵翠羽從
此辭君楚歌兮妾楚舞脉脉相看兩心苦曲未終兮袂
更揚君流涕兮妾斷腸已見儲君歸惠帝徒留愛子付

周昌

放造

頽友人亭云故人雖薄宦往往涉清溪鑿牖對山月褰
裳拂澗霓遊魚逆水上宿鳥向風棲一見桃花發能令
秦漢

山行云寂歷青山曉山行趣不稀野花成子落紅鴈引
雛飛暗草薰苔徑晴楊拂石磯俗人猶此語餘立轉忘
歸

王維哭遙云人生能幾何畢竟歸無形念君等為死萬
事傷人情慈母未及葬一女纔十齡泔泔寒郊外蕭條

聞哭聲浮雲為蒼忙飛鳥不能鳴行人同寂寞白日自
悽清憶昔君在時問我學無生勸君苦不早令君無所
成故人各有贈又不及生平負爾非一途慟哭返柴荆
又曰送君反葬石樓山松栢蒼蒼賓馭還埋骨白雲長
已矣空餘流水向人間

遙丹陽人天寶間終於忠王府曹參軍

徐延壽

人日剪綵詩云閨婦持刀坐自憐裁剪新葉催情綴色
花寄手成春帖鶯留粧戶黏雞欲向人驚來問夫婿何
處不如真

延壽開元間江寧人處士也

苑咸

王維贈咸詩序曰苑舍人能書梵字兼達梵音曲盡其妙戲為之贈詩云名儒待制滿公車才子為郎與石渠蓮華法藏心懸悟貝葉經文手自書楚詞共許勝楊馬梵字何人辨魯魚故舊相望在三事願君莫厭承明廬咸答詩蓮華梵字本從天華省仙郎早悟禪三點成伊猶有想一觀如幻自忘筌為文已變當時體入用還推間氣賢應同羅漢無名欲故作馮唐老歲年

不遷故咸末句及之王荅云仙郎有意憐同舍丞相無私斷掃門

王為庫部員外郎父

咸成都人開元末上書拜司經校書中書舍人顏真卿序孫逖文集曰公之除庶子也苑咸草詔曰西掖掌綸朝推無對議者以為知言唐人推咸為文誥之最後貶漢東郡司戶參軍復起為舍人終永陽太守始咸舉進士在京仲夏忽染疾而卒三日復蘇云見人追至陰司見劉敬則為冥官乃同舉進士也問其故乃曰追瑛乃誤召公遣追押還咸曰數上京不獲家遠且貧試閱籍若有科第官職即願生還劉謂曰君來春登第歷臺省至中書舍人

丘為

為蘇州嘉興人事繼母孝常有靈芝生堂下累官太子
右庶子時年八十餘而母無恙給俸祿之半及居憂觀
察使韓滉以致仕官給祿所以惠養老臣不可在喪而
異惟罷春秋羊酒初還鄉縣令謁之為候門磬折令坐
乃拜里胥立庭下既出乃敢坐經縣宅降馬而趨卒年
九十六與劉長卿善長卿送為赴上都詩云帝鄉何處
是岐路空垂泣楚思愁暮多川程帶潮急潮歸人不歸
獨向回塘立王摩詰送為往唐州詩云四愁連漢水百
口寄隨人

為尋西山隱者不遇詩云絕頂一茅茨直上三十里扣

關無僮僕窺室唯案几若非巾柴車應是釣秋水差池
不相見黽倪空仰止草色新雨中松聲晚秋裏及茲契
幽絕自足盪心耳雖無賓主意頗得清淨理興盡方下
山何必待之子

摩詰賦左掖梨花詩云閑灑階邊草輕隨箔外風黃鸝
弄不足街入未央宮為和云冷艷全欺雪餘香乍入衣
春風且莫定吹向玉階飛皇甫冉詩云巧解迎人笑偏
能亂蝶飛春風時入戶幾片落朝衣

唐詩紀事卷第十七

唐詩紀事卷第十八

杜甫

李白

杜甫

元稹作子美墓銘銘曰余讀詩至杜子美而知古人之
才有所總萃焉始堯舜之君臣以廣歌相和是後詩人
繼作歷夏殷周千餘年仲尼緝拾選練取其干預教化
之尤者三百篇其後無聞焉騷人作而怨憤之態繁然
猶去風雅日近尚相比擬秦漢已還采詩之官既廢天
下俗謠民謳歌頌諷賦曲度嬉戲之詞亦隨時間作至
武帝賦柏梁詩而七言之體具蘇子卿李少卿之徒尤

工為五言雖句讀文律各異雅鄭之音而詞意濶遠指
事言情自非有為而為則文不妄作建安之後天下之
士遭罹兵戰曹氏父子鞍馬間為文徃徃橫槊賦詩故
其道文壯節抑揚怨哀悲離之作尤極於古晉世風槩
猶存宋齊之間教失根本士以簡慢矯飾相尚文章以
風容色澤放曠精清為高蓋吟寫性靈流連光景之文
也意義格力無取焉陵遲至梁陳淫艷刻飾佻巧小碎
之詞又宋齊之所不取唐興學官大振歷世之文能者
互出而又沈宋之流研鍊精切穩順聲勢謂之為律詩
由是而後文變之體極焉而又好古者遺近務華者去

實效齊梁則不逮於晉魏工樂府則力屈於五音律切
則骨格不有閑暇則纖穠莫備至於子美所謂上薄風
雅下該沈宋言奪蘇李氣吞曹劉掩顏謝之孤高雜徐
庾之流麗盡得古今之體勢而兼昔人之所獨專矣如
使仲尼考鍛其旨要尚不知貴其多乎哉苟以為能所
不能無可無不可則詩人以來未有如子美者是時山
東人李白亦以奇文取稱時人謂之李杜余觀其壯浪
縱恣擺去拘束模寫物象及樂府歌詩誠亦差肩於子
美至若鋪陳終始排比聲韻大或千言次猶數百詞氣
豪邁而風調清深屬對律切而脫棄凡近則李尚不能

歷其藩翰况堂奧乎余嘗欲條析其文體別相附與來者為之準病懶未就爾適子美之孫嗣業啓子美之柩襄祔事於偃師途次于荆楚雅知余愛言其大父之為文祈余為誌辭不可絕余因系其官闕而銘其卒葬云系曰晉當陽侯杜氏下十世而生依藝依藝令於輩生審言善詩官至膳部員外郎審言生開闢生甫為奉天令甫字子美天寶中獻三大禮賦明皇竒之命宰相試文文善授右衛率府胄曹屬京師亂步謁行在授左拾遺以直言失官出為華州司功尋遷京兆功曹劔南節度使嚴武狀為工部員外參謀軍事旋又棄其官扁舟

下荆楚間竟以寓卒旅殯岳陽享年五十九夫人弘農楊氏女父曰司農少卿怡四十九年終嗣子曰宗武病不克葬沒命其子嗣業以家貧無以給喪收拾乞丐爇勞晝夜去子美沒後餘四十年然後卒先人之志亦足為難矣銘曰惟元和之癸巳粵某月某日之佳辰合窆我杜子美於首陽之前嗚呼千歲而下曰此文先生之古墳

樂天曰杜詩最多至於貫穿今古覩縷格律盡工盡善又過於李然撮其新安石濠澶閔吏廬子關花門之章朱門酒肉臭路有凍死骨之句亦不過三四十杜尚如

此况不達者乎

睿宗先天元年癸丑是歲甫生明皇開元三年丙辰於

郾城觀公孫大娘舞劍器是年才四歲必有天寶元年

癸未南曹小司寇為山之作時年三十一天寶十一

年癸巳上韋相詩有龍飛四十春帝即位四十年時有

兵車行麗人行十三年乙未上三大禮賦甫年四十三

召試文章授河西尉不十四年丙申是年十一月初自

赴京奉先有詠懷詩是月祿山亂州以家避亂郾天寶十

五載丁酉六月帝西狩有哀王孫詩七月肅宗即位改

元至德是年避寇馮翊有白水高齊三州觀漲詩至德

二年自賊中竄歸鳳翔拜左拾遺八月墨制放往郾州

起家有北征詩明年乾元元年收京扈從還長安上疏

論救房瑄帝怒黜甫華州司功有新安吏石壕吏新婚

別垂老別留花門洗兵馬詩明年關輔飢亂棄官之秦

川乃適同谷乃入蜀有遣興三首上元元年辛丑在蜀

二年嚴武鎮蜀甫自關往依馬明年寶應元年癸巳有

元年建巳月詩代宗廣德元年甲辰有祭房相國文武

再鎮蜀表甫參謀檢校工部員外作傷命五首永泰元

年丙午武卒崔旰殺郭英又楊子珠栢正節舉兵攻旰

蜀亂甫遊東川除京兆功曹不赴大曆元年丁未移居

夔州三年出峽之荆渚至湘潭寓居耒陽五年辛亥有
追高適人日作夏甫還襄漢卒於岳陽

段成式酉陽雜俎云李白集有堯祠贈杜補闕者老杜
也詩曰我覺秋興逸誰言秋興悲山將落日去水與晴
空宜雲歸北海遠鴈度青天遲相失各萬里茫然空爾
思不獨飯顆山頭之句也

國朝盛文肅嘗夢朝上帝見殿上題扇云夜闌更秉燭
相對如夢寐初謂天人之作已而知子美詩也

欄衡搥漁陽慘其聲悲壯漢武時星辰影動搖東方朔
謂民勞之應子美詩云五更鼓角聲悲壯三峽星河影

動搖乃用故事也先儒云不行一萬里不讀萬卷書不

知杜詩信然

詩話云有病瘡者子美曰吾詩可以療之病者曰云何

曰夜闌更秉燭相對如夢寐其人誦之瘡猶是也杜曰

更誦吾詩云子璋髑髏血模糊手提擲還崔大夫其人

誦之果愈子美傲誕不冠見嚴武故詩云莫倚善題鸚

鵡賦何須不着鷓鴣冠子美奉酌云謝安不倦登臨興

阮籍焉知禮法踈博叙子美傲故武積不平欲殺之冠

鈎於簾者三遂止

寄韋有夏都中詩云省郎憂病士書信有柴胡飲子頻

通汗懷君想報珠飲子對懷君或云沈佺期齒錄對牙
緋孟浩然鷄黍對楊梅之類也

子美題李尊師松障詩云已知仙客意相親更覺良工
心獨苦用意之妙有舉世莫知者此唐人所以名家也

李白

烏棲曲云姑蘇臺上烏棲時吳王宮裏醉西施吳歌楚
舞懽未畢青山猶銜半邊日銀箭金壺漏水多起看秋
月墜江波東方漸高柰樂何一作爾何天寶初賀知章見之
曰此詩可以泣鬼神矣

蜀道難云噫噓吁危乎高哉蜀道之難難於上青天蚕

叢及魚鳧開國何茫然爾來四萬八千歲乃與秦塞通

人煙西當太白有鳥道可以橫絕峨眉巔地崩山摧壯

士死然後天梯石棧方一作相鈎連上有六龍迴日之高

標一作海之浮雲下有衝波逆折之回川黃鶴之飛尚不

得一作過猿猴欲度愁攀緣一作牽青泥何盤盤百步九折

縈崑巒捫參歷井仰脅息以手撫膺坐長嘆問君西遊

何時還畏途巉崑不可攀但見悲鳥號古木雄飛雌從

遶林間又聞子規啼夜月愁空山蜀道之難難於上青

天使人聽此凋朱顏連峯去天不盈尺一作入煙枯松

倒挂倚絕壁飛湍瀑流爭喧豗冰崖轉石萬壑雷其險

也若此嗟爾遠道之人胡為乎來哉劔閣崢嶸而崔嵬
一夫當關萬夫莫開所守或匪親一作化為狼與豺朝
避猛虎夕避長蛇磨牙吮血殺人如麻錦城雖云樂不
如早還家蜀道之難難於上青天側身西望長咨嗟一作
蜀道難或曰譏章仇無瓊或曰譏嚴武之暴為房
相杜甫危之也

宮中行樂詞云小小生金屋盈盈在紫微山花插寶髻
石竹繡羅衣每上深宮裏常隨步輦歸只愁歌舞散化
作彩雲飛又云柳色黃金嫩梨花白雪香玉樓巢一作
翡翠珠一作殿鎖鴛鴦選妓隨雕一作輦徵歌出洞房

宮中誰第一飛鷺在昭陽又云盧橘為橐樹蒲桃在是

漢宮煙花宜落日絲管醉春風笛奏龍鳴一作水簫吟

一作鳳下空君王多樂事何必向一作回中一作還與

又云玉樹一作春歸日一作金宮樂事多後庭朝未入

輕輦夜相過笑出花間語嬌來燭下歌莫教明月去留

著醉姮娥又云繡戶香風暖紗窗曙色新宮花爭笑日

池草暗生春綠樹聞歌鳥青樓見舞人昭陽桃李月羅

綺自一作相親又云今日明光裏還須結伴遊春風開

紫殿天樂下朱樓豔舞全知巧嬌歌半欲羞更憐花月

夜宮女笑藏鈎又云寒雪梅中盡春風柳上歸宮鶯嬌

欲醉簷燕語還飛遲日明歌席新花豔舞衣晚來移綠
仗行樂好光輝又云水滌南薰殿花紅北闕樓鶯歌聞
太液鳳吹遠瀛州素女鳴珠珮天人弄綵毳今朝風日
好宜入未央遊

明皇坐沉香亭意有所感欲得白為樂章召入而白已
醉左右以水頰面稍解授筆成文婉轉精切無留思清
平調詞云雲想衣裳花想容春風拂檻露華濃若非群
玉山頭見會向瑤臺月下逢又云一
夜紅豔露凝香雲
雨巫山枉斷腸借問漢宮誰得似可憐飛燕倚新粧又
云名花傾國兩相歡長得君王帶笑看解舞春風無限

恨沉香亭北倚欄干禁中木芍藥開上賞之妃子從帝
曰賞名花對妃子焉用舊樂詞為命李龜年持金花牋
賜白為清平樂詞三章梨園子弟撫絲竹李龜年歌之
上親調玉笛以倚曲每曲遍將換則遲其聲以媚之太
真以玻璃七寶盃酌西涼葡萄酒笑飲

翰林讀書言懷呈集賢院內諸學士云晨趨紫禁中夕
待金門詔觀書散遺帙探古窮至妙片言苟會心掩卷
忽而笑青蠅易相點白雪難同調本是散疎人屢貽徧
促誚雲天屬清郎林壑憶遊眺或時清風來閑倚欄一作
簷下嘯嚴光桐廬溪謝客臨海嶠功成謝人君一作從

此一投釣

高力士以脫靴之耻譖白於貴妃曰以飛燕指妃子是賤之甚也不為親近所容乃益放鷲為酒八仙人懇求還山

潯陽紫極宮感秋作云何處聞秋聲脩脩北窻竹迴薄萬古心攬之不盈掬靜坐觀衆妙浩然媚幽獨白雲南山來就我磨下宿嬾從唐生决羞訪李主卜四十九年非一往不可復野情轉蕭散世道有翻覆陶令歸去來田家應酒熟是時自有歸山之意矣

胡無人云嚴風吹霜海草凋筋斲精堅胡馬驕漢家戰

士三十萬將軍兼領

誰一作

霍嫫姚流星白羽腰間挿劍

花秋蓮光出匣天兵照雪下玉闕虜箭如沙射金甲雲龍風虎盡交回太白入月敵可摧旄頭滅殪胡之腸涉胡血懸胡青天上埋胡紫塞旁胡無人漢道昌陛下之壽三千霜但歌大風雲飛揚安用猛士守四方此詩祿山反時作祿山死太白食月云

東武吟云好古笑流俗素聞賢達風方希佐明主長揖辭成功白日在高天回光燭微躬恭承鳳凰詔歛起雲蘿中清切紫霄迴優游丹禁通君王賜顏色聲價凌煙虹乘輿擁翠蓋扈從金城東寶馬麗絕景錦衣入新豐

倚巖望松雪對酒鳴絃桐因學揚子雲猶賦甘泉宮天
書美片善清芬播無窮歸來向咸陽談笑皆王公一朝
去金馬飄落成飛蓬賓友日踈散玉樽日成空才力猶
可倚不慙世上雄閑作東武吟曲盡情未終書此謝知
已吾尋黃綺翁編舟尋或曰白以是詩留別翰苑遂放
遊江湖矣

對酒憶賀監序云太子賓客賀公於長安紫極宮一見
呼余為謫仙人因解金龜換酒為樂後對酒悵然有
懷而作是詩曰四明有狂客風流賀季真長安一相見
呼我謫仙人昔好盃中物翻一作為松下塵金龜換酒

處却憶淚沾巾又狂客歸四明山陰道士迎勅賜鏡湖
水為君臺沼榮人亡餘湖宅空有荷花生念此杳如夢
淒然傷我情又曰欲向江東去定將誰舉盃稽山無賀
老却掉酒缸迴

飯顙山頭逢杜甫頂戴笠子日卓午借問因何太瘦生
總為從前作詩苦此詩載於唐舊史

近世傳白詩云斷崖如削爪嵐光破崖綠天河從中來
白雲漲川谷玉案勅文字世眼不可讀攝身凌青雲松
風拂我足又云舉袖露條脫招我飯胡麻

白本末傳記所載不同唐史稱白與聖皇帝九世孫隋

志以罪徙西域神龍初道還客巴西既長隱岷山蘇頲
為益州長史見白異之更客任城與孔巢父韓準裴政
張叔明陶沔居徂徠山日沉飲號竹溪六逸天寶初南
入會稽與吳筠善筠被召故白亦至長安往見賀知章
賀知章見其文歎曰子謫仙人也

嚴武傳武為劍南節度使房琯以故相為部內刺史武
慢倨不為禮最厚杜甫然欲殺甫數矣李白為蜀道難
者乃為房杜危之也韋臯傳天寶時李白為蜀道難
嚴武陸暢更為蜀道易以美韋臯撫言云太白自蜀至
京以新業贄謁賀知章知章覽蜀道難一篇揚眉謂之
曰公非人世人豈非太白星精邪然則蜀道難之作又
矣非為房杜也

又南部新書云李白山東人父為任城尉因家焉少與
魯人隱徂徠山號竹溪六逸天寶初遊會稽吳筠隱剡
中谷稱蜀人非也今任城令廳有白之詞尚存唐范傳
正誌其墓曰白涼武昭王九世孫昭王隴西人隋末子
孫以罪徙西域神龍時白父客自西域逃居綿之巴西
而白生焉唐魏穎李陽冰序其文劉全白撰其墓碣皆
曰廣漢人故論白者或曰隴西或曰山東或曰蜀陽冰
云李翰林浪跡縱酒以自昏穢詠歌之際屢稱山東李

白亦云以張垆諛遂遊海岱間子美所謂汝與山東李
白好蓋白自號也蜀道難或曰作於天寶或曰作於天
寶末二說皆出於後世以意逆之曰此為房社危之也
陸暢去白未遠作蜀道易以美韋臯傳之當時而蜀道
難之詞曰錦城雖云樂不如早還家其意必有所屬房
杜之說蓋近之矣西白之故以容呼之

東蜀楊天惠彰明逸事云元符二年春正月天惠補令
於此竊從學士大夫求問逸事問唐李太白本邑人微
時募縣小吏入令卧内嘗驅牛經堂下令妻怒將加詰
責太白亟以詩謝云素面倚欄鈎嬌聲出外頭若非是

織女何得問牽牛今驚異不問稍說招引侍研席令一
日賦山火詩思乾不屬太白從旁綴其下句今詩云野
火燒山去人歸火不歸太白岷云焰隨紅日遠煙逐暮
雲飛令慙止頌之從令觀漲有女子溺死江上令復苦
吟太白輒應之今詩云二八誰家女漂來倚岸蘆
烏窺眉上翠魚弄口旁珠太白岷云綠髮隨波散紅顏
逐浪無何因逢五伯應是想秋胡令滋不悅太白恐弃
去隱居戴天大匡山往來旁郡依潼江趙徵君徒亦節
士任俠有氣善為縱橫學著書號長短經太白從學歲
餘去遊成都賦春感詩云茫茫南與北道直事難諧榆

英錢生樹楊花玉糝街塵紫遊子面蝶弄美人釵却憶
青山上雲門掩竹齋益州刺史蘇頲見而奇之時太白
齒方少英氣益發諸為詩文甚多微類宮中行樂詞體
今邑人所藏百篇大抵皆格律也雖頗體弱然短羽
襍已有雛鳳態淳化中縣令楊遂為之引謂為少作是
也遂江南人自名能詩累謫為令云始太白與杜甫相
遇梁宋間結交歡甚久乃去客居魯徂徠山甫從嚴武
成都太白益流落不能歸故甫詩又云匡山讀書處頭
白好歸來然學者多疑太白為山東人又以匡山為匡
廬皆非也今大匡山猶有讀書臺而清溪鄉故居遺地
尚在廢為寺名隴西院有唐梓州刺史碑失其及綿州
刺史高祝記太白有子曰伯禽女平陽皆生太白去蜀
後有妹月圓前嫁巴子留不去以故葬邑下墓今在隴
西院旁百步外或傳院乃其所捨云
白詩云昔作芙蓉花今為斷腸草以色事他人能得幾
時好陶弘景仙方云斷腸草不可食其名美好名芙蓉
乃知詩人無一字閑話

唐詩紀事卷十九

崔宗之

敬括

房琯

蘇源明

崔宗之

宗之襲父日用齊國之封好學寬博有風舉與李杜以
文相知贈李白云涼秋八九月白露空園庭耿耿意不
暢稍稍一作稍風葉聲思見雄俊士共話今古情李侯忽
來儀把袂苦不早清論既抵掌玄談多絕倒分明楚漢
事歷歷王霸道擔囊無俗物訪古千里餘袖有匕首劍
懷中茂陵書雙眸光照人詞賦凌子虛酌酒絃素琴霜
氣正凝結平生心事中今日為君說我家有別業寄在

嵩之陽明月出高岑清溪澄素光雲散窗戶靜風吹松
桂香子若同斯遊千載不相忘白和云朔風一作橫高
天萬里起秋色壯士心飛揚落日空歎息長嘯出原野
凜然寒風生幸遭聖明時功業猶未成奈何懷良圖鬱
悒猶愁坐一作獨杖策尋英豪立談乃知我崔公生人秀
緬邈青雲姿制作參造化託諷合神祇海岳尚可傾吐
諾終不移是時霜飈寒逸興臨華池起舞拂長劍四座
皆揚眉因得窮歡情贈我以新詩又結瀚漫期九垓遠
相待舉身憇蓬壺濯足弄滄海從此凌倒景一去無時
還朝遊明光宮暮出閭闔關但得長把袂何必高丘山

宗之為侍御史謫官金陵與白詩酒唱和月夜乘舟自
采石達金陵

敬括孫晦新眸

括字叔弓河中人為殿中侍御史不諧附楊國忠出知
果州入為兵侍志簡淡不求名後刺同州隱然持重大
曆中卒

括試七月流火云前庭一葉下言念忽悲秋變節金初
至分寒火正流氣含涼夜早光拂夏雲收助月微明散
汾河麗景浮禮標時令美詩興國風幽自此觀邪正深
知王業休

房瑄

瑄宰盧氏王維贈詩云達人無不可忘已愛蒼生豈復
小千室絃歌在兩楹又云視事無偃卧對書不簪纓蕭
條人吏踈鳥雀下空庭是時瑄之清名已重於縉紳矣
瑄題漢州西湖云高流纏峻隅城下緬丘墟決渠信浩
蕩潭島成江湖結宇依回渚水中信可居三伏氣不蒸
四達暑自徂故人千里駕鄰國五馬車月出共登舟風
生隨所如舉麾指極浦欲極更盤紆繚繞各殊致夜盡
情有餘遭亂意不開即理還暫祛安得長晤語使我憂
更除瑄字次律融之子也相肅宗有遠器好談老子滄
屠法高談有餘而不切事

蘇源明

天寶十二載源明守東平宴濮陽守崔季重魯郡李蘭
濟南田琦濟陽李陵于回源亭為小洞庭五太守讌集
載其歌曰小洞庭兮寓方舟風嫋嫋兮離平流寓方舟
兮小洞庭雲微微兮連絕崕仍瀾壯兮緬以沒重崑轉
兮超以忽馮夷嫠兮護輕橈蛟龍仔兮落中湖泊中湖
兮澹而閑並曲淑兮悵而還適予手兮非予期將解袂
兮藁予曲尚君子兮壽厥身承明主兮憂斯人其後以
國子司業召須昌尉袁廣錢于小洞庭復歌曰浮漲湖

兮莽條遙川后禮兮扈子橈橫增沃兮蓬倦延川后福
兮易予船月澄凝兮明空波星磊落兮耿秋河夜既良
兮酒且多樂方作兮柰別何

子美八哀詩曰武功少也孤徒步客徐充讀書東嶽中

十載考墳典時下萊蕪郭忍飢浮雲嶽負米晚為身每

食臉必泣夜宇照熟薪垢衣生碧蘚庶以勤苦志報茲

劬勞願學蔚醇儒姿文包舊史善灑落辭幽人歸來潛

京輦射策君東堂宗匠集精選制可題未乾乙科已大

闡文章日自負掾史亦累踐晨趨閭闔內足踏宿昔跡

一麾出守還源明累遷太子諭德為司業黃屋朔風卷

不暇陪八駿處劣庭悲所遺平生滿樽酒斷此朋知展憂

憤病二秋有恨石可轉安禎少陪京師源明以病肅宗

復社稷得無逆順辨肅宗復兩京權考范曄顧其兒李

斯憶黃犬秘書茂松意再扈祠壇墀前後百卷文枕藉

皆禁鬱篆刻楊雄流溟漲本末淺青瑩芙蓉劍犀兕豈

獨剽反為後輩藝予實苦懷緬煌煌齋房芝事絕萬手

寧垂之俟來者正始徵勸勉不要懸黃金胡為投亂贇

結交三十載吾與誰遊衍滎陽復冥冥罪罟已橫霄鳴

呼子遊日始泰則終蹇長安米萬錢凋喪盡餘喘戰伐

何當解歸帆阻清沔尚纏漳水疾永負嵩里錢詩中滎陽謂鄭

也度

唐詩紀事卷十九

唐詩紀事卷第十九



